



Lislaam ka be, sēn na n yōg koom, n maneg a koomā yōbgo, rē poorē t'a yik n puus Rakaar a yiibu, n ning a toaag ne rakaar yiibā, rēndame tı arzānā yı waagib ne-a

Yii a 'Ukbat [bn 'Aamir nengē (Wēnd yard be a yīnga) a yeelame: tōnd da tara yugmā gūubu, tı mam raarā wa ta, tı mam kēng zaabre n tı mik Wēnd Tēn-tuumā (Wēnd puusg la A tıgr be a yīnga) t'a yaa sēn yās n gomd ne nebā, tı mam paam a goamē wā: «Lislaam ka be, sēn na n yōg koom, n maneg a koomā yōbgo, rē poorē t'a yik n puus Rakaar a yiibu, n ning a toaag ne rakaar yiibā, rēndame tı arzānā yı waagib ne-a». A yeelame: "m yeele: būmb ka be t'a sōmblem yı wānde ye", la yet sēn be mam taorā yeel yā: "būmb ning sēn reng-a wā n yud sōmble", tı mam ges a 'Umar sēn yeele: ad mam yāame tı fo waa masa, a yeelame: «Yāmb ned ka be, n na n yōg koom n taas a koomā yōgbā, rē poorē n yeele "Ashadu anlaa-ılaaha ıllallaahu, wa anna Muħammadan Abduhuu wa rasuuluħuu= M maanda kaset tı soab sıd-sıd ka be, tı sã n pa Wēnde, la m maand kaset t'a Muħammad yaa Wēnd yamba la A Tēn-tuumā" rēndame tı pak n kō-a arzān ragnoy a nii wā, t'a kē zīig ninga a sēn rate».

[Naşun Şahuħun (Gom-sikdem sēn manege)] [A Muslim n togs-a]

Nabiyaamā (Wēnd puusg la A tıgr be a yīnga) a welgame n togs nebā yudlem a yiib sēn yaa zısdı: Rēnemā: tı ad ned sēn yōg koom n maneg a koomā yōgbā, n pıds-a a Sunnah nengā, n kō yīn-will fāa a hake koomē wā, rē poorē n yeele "Ashadu anlaa-ılaaha ıllallaahu, wa anna Muħammadan Abduhuu wa rasuuluħuu= M maanda kaset tı soab sıd-sıd ka be, tı sã n pa Wēnde, la m maand kaseto t'a Muħammad yaa Wēnd yamba la A Tēn-tuumā" rēndame tı pak n kō-a arzān ragnoy a nii wā, t'a kē zīig ninga a sēn rate. Yiib soaba: Lislaam ka be, sēn na n yōg ko-kāngā, sēn pidā, rē poorē t'a yik n puus Rakaar a yiibu, n rık a sūurā n tees b yiibā ne pu-peelem, la Wēnd zoeere, la a gāneg a nengā la a yīngā wilā gıllı ne Wēnde rēndame tı arzānā yı waagib ne-a.

النجاة الخيرية
ALNAJAT CHARITY

